

SKIPULAGSSKRÁ

Minningarsjóðsins við Menntaskólann á Akureyri.

1. gr.

Sjóðurinn er stofnaður samkvæmt lögum um sjóði og stofnanir sem starfa skv. staðfestri skipulagsskrá frá 5. maí 1988.

Sjóðurinn er stofnaður með samruna minningarsjóða sem taldir eru upp í 2. grein og falla skipulagsskrár þeirra þá úr gildi.

Sjóðurinn heitir Minningarsjóðurinn við Menntaskólann á Akureyri og er heimili hans og varnarþing á Akureyri.

2. gr.

Stofnfé sjóðsins verður eignir eftirtalinna sjóða, en þær voru þann 1. janúar 1989:

Hjaltalínssjóður	32 589,33 kr.
Minningarsjóður Brynleifs Tóbiassonar	16 394,74 kr.
Minningarsjóður Guðrúnar Jónsdóttur	20 861,76 kr.
Minningarsjóður Halldórs Jónassonar	6 717,04 kr.
Minningarsjóður Stefáns Stefánssonar	121 340,36 kr.
Minningarsjóður Þorsteins J. Halldórssonar	34 719,40 kr.
Sjóður Sigurðar Guðmundssonar	375 262,71 kr.
Stúdentsjóður Menntaskólans á Akureyri	54 486,18 kr.
Styrktarsjóður hjónanna Finns Finnssonar og Guðlaugar Sveinsdóttur	19 271,13 kr.
Minningarsj. um Guðrúnu M. Sveinsdóttur	55 486,61 kr.
Sjóður Jóns Héðinssonar	89 662,61 kr.

Samtals 826 791,44 kr.

3. gr.

Stjórn sjóðsins skipa skólameistari, sem er sjálfkjörinn formaður, og tveir fastráðnir kennarar kjörnir af almennum kennarafundi til tveggja ára í senn. Sjóðurinn skal vera í vörslu skólameistara og fer með hann eftir sömu almennu reglum og um aðra sjóði í vörslu skólans. Reikningar sjóðsins skulu endurskoðaðir árlega af endurskoðendum tilnefndum af skóla-nefnd Menntaskólans á Akureyri.

4. gr.

Höfuðstól sjóðsins má aldrei skerða en verja má $\frac{2}{3}$ hlutum af vöxtum og árlegum tillögum til sjóðsins í samræmi við tilgang hans.

5. gr.

Sjóðurinn skal ávaxtaður í tryggri lánastofnun, vel tryggðum verðbréfum eða á annan öruggan hátt.

Verði sjóðurinn lagður niður renna eignir hans í Skólasjóð Menntaskólans á Akureyri.

6. gr.

Tekjur sjóðsins eru arður af eignum hans svo og gjafir og áheit sem honum kunna að berast.

7. gr.

Tilgangur sjóðsins er að verðlauna og styrkja þá nemendur sem skarað hafa fram úr í námi eða gegnt trúnaðarstörfum fyrir nemendur eða skólann. Verðlaun og styrkir skulu veitt við skólaslit ár hvert eftir þeim reglum sem nú gilda um eldri sjóðina og skal einstakra minningarsjóða getið við afhendinguna.

8. gr.

Breytingar á skipulagsskrá Minningarsjóðsins við Menntaskólann á Akureyri eru háðar samþykki allrar sjóðsstjórnar.

Leita skal staðfestingar dómsmálaráðherra á skipulagsskrá þessari.

Menntaskólanum á Akureyri,
27. nóvember 1989.

Jóhann Sigurjónsson,
skólameistari.

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

Dóms- og kirkjumálaráðuneytið, 14. desember 1989.

F. h. r.

Jón Thors.

Fanney Óskarsdóttir.

SKIPULAGSSKRÁ

fyrir Vísindasjóð sérfræðinga á háls-, nef- og eyrnadeild Borgarspítalans.

1. gr.

Heiti sjóðsins.

Sjóðurinn heitir Vísindasjóður sérfræðinga á háls-, nef- og eyrnadeild Borgarspítalans. Heimili og varnarþing er í Reykjavík.

2. gr.

Hlutverk sjóðsins.

Hlutverk sjóðsins er að efla vísindalega starfsemi og rannsóknir (sérfræðinga) á sviði háls-, nef- og eyrnalækninga.

3. gr.

Stofnfé sjóðsins.

Stofnfé sjóðsins er kr. 300 000,00 sem eru frjáls framlög fyrirtækja. Ekki má skerða stofnfé sjóðsins.

4. gr.

Tekjur sjóðsins.

Tekjur sjóðsins eru fjárframlög frá lyfjafyrirtækjum eða öðrum sem styrkja starfsemi sjóðsins á hverjum tíma, vaxtatekjur og verðbætur.

5. gr.

Úthlutunarreglur sjóðsins.

Stjórn sjóðsins úthlutar styrkjum úr sjóðnum.

- a) Til ferða á sérfræðiráðstefnur.
- b) Til einstakra rannsóknarverkefna.
- c) Til tækjakaupa.
- d) Til sérstakra verkefna.

Sækja skal um styrki úr sjóðnum til stjórnar sjóðsins. Við úthlutun styrkja skal stjórnin m.a. taka mið af vinnuframlagi styrkþega.